

Brčko Distrikt proslavio četvrtu obljetnicu

Danas je supervizor za Brčko, Susan R. Johnson, u Uredu za implementaciju Konačne odluke – OHR, dočekala više od 40 uvažanih uzvanika, uključujući visoke državne dostojanstvenike, ambasadore stranih zemalja u Bosni i Hercegovini, i predstavnike međunarodne zajednice, koji su u Brčkom obilježili četvrtu obljetnicu od osnutka Brčko Distrikta Bosne i Hercegovine.

Uzvanicima su se obratili gradonačelnik Brčko Distrikta, Branko Damjanac, dogradonačelnik, Ivan Krndelj, i predsjednik Skupštine Distrikta, Mirsad Đapo. Uzvanici su obišli kompleks zgrada suda i luku Brčko, sastali se sa predstavnicima privatnog sektora u Brčkom, te bili gosti na domjenku koji je organizirala Vlada Distrikta u hotelu “Grand Posavina” Brčko.

Supervizor za Brčko, Susan Johnson, ukratko je informirala goste o statusu Brčko Distrikta te ulozi supervizora u provedbi Konačne odluke za Brčko. Gradonačelnik Damjanac, dogradonačelnik Krndelj i predsjednik Skupštine Đapo održali su prezentacije o gospodarskom razvoju i reformi, zakonodavnim prioritetima, reformi javne uprave i izborima.

Posebni dio ceremonije bio je posjet luci Brčko, gdje su gosti obišli nedovoljno iskorištene kapacitete koji su prije rata činili Brčko jednom od najvećih i najznačajnijih luka u regiji. Direktor Luke Brčko je gostima govorio o povijesti Luke i njenom sadašnjem statusu, a gradonačelnik Damjanac o budućim planovima za restrukturiranje Luke i multilateralnoj inicijativi Pakta za stabilnost jugoistočne Evrope, čiji je cilj ponovna uspostava plovidbe i revitalizacija bazena rijeke Save.

“S ponosom mogu istaknuti da je Brčko Distrikt u protekle

četiri godine ostvario uspjeh kojim se mogu ponositi i svi ostali građani Distrikta. Uspjeh je rezultat napora svih građana Brčko Distrikta, domaćih institucija te velikodušne potpore OHR-a. Uvjeran sam da uvjeti koje smo stvorili predstavljaju dobru osnovu da organi koji budu izabrani na izborima dalje razvijaju Distrikt i svojim građanima, posebno omladini, obezbijede prosperitet u budućnosti", rekao je gradonačelnik Damjanac.

"Ovo je bila prilika da se osvrnemo na značajna postignuća u protekle četiri godine i postavimo osnovu za slijedeću fazu u razvoju Brčko Distrikta", izjavila je supervizor Johnson.

"Priznanje i pažnja koju je Brčko Distrikt dobio odražava kako postignuća Distrikta tako i njegove potencijale. Ne samo da je vrijeme da Brčko izabere svoje organe vlasti nego i da više usmjeri pažnju na svoje uključivanje u glavne tokove gospodarskog i političkog života u BiH. Brčko Distrikt nastaviti će da ulaže napore ka jačanju svojih veza sa državom i državnim institucijama, kao i entitetima i susjednim državama u regionu."